



Ciasa de Palsa Ojöp Frëinademetz A.P.S.P.
Seniorenwohnheim Ojöp Frëinademetz Ö.B.P.B - Residenza per Anziani Ojöp Frëinademetz A.P.S.P.
39030 St. Martin in Thurn/San Martino in Badia - Str. Pinis 50
Tel. 0474/524700 - E-mail: info@ciasadepalsa.it - Pec: ciasadepalsa@pec.rolmail.net
cod. fisc. - Steuer-Nr.: 81005490214 - partita IVA - MwSt-Nr.: 00554690214

BANDIDA DE CONCURS PUBLICH

Concurs publich por ejams por la curida de 1 (un) n post de rode a tēmp plēgn sciöche cogo/cöga spezialisé/ada (profil profescional nr. 19 – IV. cualifica funzionala) - riservé al grup linguistich talian.

LA TOMANZA POR LA PRESENTAZIUN DLES DOMANDES DE AMISCIUN É:
30.12.2025 dales 12.00

La Ciasa de Palsa Ojöp Frëinademetz A.P.S.P. scrí fora n concurs publich por ejams por la curida de 1 n post sciöche:

**cogo/cöga spezialisé/ada
(profil profescional nr. 19 – IV. cualifica funzionala)**

Chësc:

- 1 n post a tēmp plēgn.

Le post é **reservé al grup linguistich talian.**

1. DESPOSIZUNS GENERALES

Por le concurs en chestiun vel les disposiziuns contignüdes te chësta bandida. Por ci che n'é nia preodü te chësta bandida él da fá referimënt ales disposiziuns tl Regolamënt dl personal dla Ciasa de Palsa Ojöp Frëinademetz A.P.S.P. di 23.07.2024 y ales disposiziuns varëntes.

L'aministrazion garantësc la parité de ël y ëra por gní tuc sö en sorvisc y sön le post de laur sciöche preodü dal decret legislatif di 11.04.2006, nr. 198.

Implü garantësc l'aministrazion l'aplicaziun dles disposiziuns tla materia dla sconanza di dac preodüdes dala lege nr. 196 di 11.04.2003 tla verjiun varëta y ince dal Regolamënt EU 2016/679 di 27.04.2016 tla verjiun varëta.

Chësta bandida tēgn cunt dla normativa por i soldas dles Forzes Armades Talianes che á rové so sorvisc zënza demiric. Aladô dl articol 1014, coma 3 y 4, y dl articol 678, coma 9 dl decret legislatif nr. 66/2010, él preodü da riservé le 30% di posc ai voluntars dles Forzes Armades.

Le concurs vëgn scrit fora tignon cunt di benefizi preodüs dala lege nr. 68 di 12.03.1999 a bëgn dles categories sot a proteziun.

Al concurs vëgn ametüs/des i/les concorënc/tes de düc i trëi grups linguistics, independentamënter dala riserva di posc nominá dessura, tan inant che ai á i recuisic damaná.

Le post scrit fora é riservé al grup linguistich talian.

I posc riservá al respetif grup linguistich, che resta vacanc por mancianza de candidat/tes o concurënc/tes adatá/des por l'assunziun, pó gní assegná a n/na candidat/a adaté/da portignënt/a a n ater grup linguistich, sce le proporz etnich vëgn respeté complessivamënter sciöche calcolé en basa ales disposiziuns varëntes.

2. TRATAMËNT ECONOMICH

Aladô dl contrat coletif atual él preodü por chësc post le suandënt paiamënt brutto mensil:

a) paiamënt mensil inicial dla IV. cualifica funzionala de Euro 858,31 -, lapró la tredejima mensilité aladô dl contrat coletif intercompartimental en forza;

b) indenité integrativa speziala dla IV. cualifica funziunala aladô dl contrat coletif intercompartimental en forza, che corêspogn a Euro 1.338,59 -;
c) indenité de bilinguism aladô dl art. 6 dl'acordanza en forza por le renovamënt dl contrat coletif intercompartimental di 04.12.2019, sciöchce ince l'indenité por l'adoranza dl lingaz ladin;
d) indenité d'istitut dl 30% che corespogn a Euro 257,49 -;
e) atres indenités tan inant che ares speta.
Dal tratamënt economich suradit vëgnel trat jö les detraziuns preodüdes dala lege.
Ai posc a tēmp parzial ti speta le paiamënt sciöchce dessura en relaziun ales ores de laur fates. Dal paiamënt suradit vëgnel trat jö i contribuc previdenziai, assistenziai y fiscai preodüs dales leges.
3. REQUISIC POR L'AMISCIUN
Por l'amisciun al concurs vëgnel damané de ester en posses di requisic suandënc.
I requisic damaná mëss ester dan man ala data de tomanza por la presentaziun dles domandes de amisciun al concurs stabilida da chësta bandida de concurs, sciöchce ince al momënt dla sotescriziun dl contrat de laur.
1. Zitadinanza
Zitadinanza taliana o zitadinanza de n ater stat mēber dl'Uniun Europeica; al pó ince tó pert i familiars de zitadins/nes dl'Uniun Europeica, ince sce zitadins/nes de stac terc, cun le dërt de sojornanza o le dërt de sojornanza permanēta. Al pó ince gní tut sô i zitadins/nes de paisc terc che é en posses dla lizēnza de sojornanza UE por sojornanzas de lungia dorada o che á le status de muciadú/dësses o che á le status de proteziun sussidiara (art. 38 D.Lgs 30 novēber 2001, nr. 165, sciöchce modifiché dal art. 7 dla L. 6 agost 2013 nr. 97);
2. Limit d'eté
Eté nia mēndra de 18 agn.
3. Idoneité fisica por fá le laur
Idoneité fisica por le laur y por les mansciuns spezifiches preodüdes por le profil profescional en chestiun. Aladô dl D.Lgs 9 aurí 2008. nr. 81 á l'aministrazion la faculté da ti fá fá ai dependēnc che gnará tuc sô na vijita de control pro le dotur de compētenza por confermé l'idoneité da fá les mansciuns che ti gnará surandandes.
4. Godimënt di dërc zivii y politics
O plü avisa, de ne avēi degōnes prozedōres en at che, aladô dles desposiziuns de lege varētes, ne impedēsc le posses.
Aladô dl art. 2 dl D.P.C.M. di 7 forá 1994, nr. 174, mëss i/les zitadins/nes nia taliagn/talienes avēi i suandēnc requisic por podēi avēi azes a posc de laur tl'aministrazion publica: - le godimënt di dërc zivii y politics ince ti stac de zitadinanza (fata ezeziun por chi che é titolars dl status de profugs o dl status de proteziun sussidiara); - le posses, fata ezeziun por la zitadinanza taliana, de dūc i atri requisic preodüs por i/les zitadins/nes dla Republica Taliana.
5. Imunité da condanes
Al ne pó nia gní tut sô porsones che é gnüdes stlütēs fora dal dërt de līta atif, sciöchce ince chēres che é gnüdes destituides o alediadēs dal laur pro n'aministrazion publica por n rendimënt insufiziēnt permanēnt, aladô de normes dl setur, o gnüdes desmetüdes por les medemes rajuns o por motifs disciplinars aladô dla normativa de lege o contratuala varēta o che é gnüdes lasciades jí deache ares é gnüdes tutes sô o á ci-afé la nominaziun por presentaziun de documēnc falsificá o zēnza valur sciöchce ince por condanes jüdes en forza por n fat penal che impedēsc n'assunziun pro n'aministrazion publica. Porsones che á en at prozedōres penales o prozedōres aministratives por apliché mosōres de segurēza o prevenziun o che á albū pre-

zedënc penai por súa colpa scric ite tl register penal, aladô dl articol 3 dl decret dl Presidënt dla Republica di 14 de novëmber 2002 nr. 313, mëss le comuniché al momënt dla candidatöra y dé dant avisa la data dl provedimënt sciöche ince la magistratöra che l'á dada fora o pro chëra che al é n eventual prozedimënt penal pendënt.

6. Atestat de bi/trilinguism

dé fora aladô dl D.P.R. di 26 de messé 1976, nr. 752 y suandëntes modificaziuns, por le livel A2 (ex D).

7. Grup linguistich

Portignënza o agregaziun a un di trëi grups linguistics preodüs dal art. 18 dl D.P.R. 26.07.1976 nr. 752 y suandëntes mudaziuns y integraziuns.

8. Titui de stüde

- diplom dla scora mesana y inplü
- diplom de fin d' aprendistat sciöche cogo/cöga y inplü ince esperiënza profesionala de almanco trëi agn.

Por le azes por mobilitè verticala vel les disposiziuns dl art. 74 dl'acordanza intercompartimentala di 12.02.2008 sciöche ince l'art. 33 dl test unich dles acordanzas de compart por i dependënc de Comuns, dles Comunités Comprensoriales y dles A.P.S.P. di 02.07.2015.

4. DOMANDA DE AMISCIUN

La domanda de amisciun al concurs publich, scritta sön formulars de papier scëmpl y metüda a disposiziun dal'aministrazion, mëss gní adressada ala Ciasa de Palsa Ojöp Frëinademetz A.P.S.P. y dada jö **anter les 12.00 h di 30.12.2025**. Sciöche data de presentaziun dla domanda d'amisciun vel chëra dla protocolaziun. Le timber dl ofize dla posta n'á DEGÖNA valüta.

La domanda de amisciun o i documënc che röia fora de termo por guajes postales, telegrafiches, por colpa de terc, por guajes de forza plü alta o por guajes dl caje, ne vëgn nia tuta en conscideraziun y le/la candidat/a vëgn stlüt/a fora dal concurs publich.

La domanda de amisciun mëss gní scritta aladô dl formular injunté ala bandida de concurs y contigní dotes les informaziuns che le/la candidat/a mëss dé dant aladô dles normes varëntes.

4.1 DETLARAZIUNS

Por podëi tó pert al concurs pó i/les candidat/tes adoré detlaraziuns sostitutives aladô di artt. 46 y 47 dl D.P.R. di 28.12.2000, nr. 445; scrion fora le formular prestampé te dotes sües perts.

En alternativa pó i i/les candidat/tes presenté la domanda de amisciun scritta jö sön papier scëmpl, sön chëra che ai/ares mëss, sot a súa responsabilitè y cun tuta de conescënza de ci che al é preodü dal art. 76, dl D.P.R. di 28.12.2000, nr. 445 y dal art. 495 dl Codesc penal tl caje de informaziuns falzes dades dant te documënc y detlaraziuns falzes, sciöche ince de tomanza de vantaji ciafá por n provedimënt tut sôla basa de detlaraziuns falzes (art. 75 dl D.P.R. di 28.12.2000 nr. 445), dé dant les detlaraziuns suandëntes aladô di artt. 46 y 47 dl D.P.R. di 28.12.2000, nr. 445 che reverda:

a) cognom, inom y codesc fiscal;

b) data y post de nasciüda;

c) situaziun de familia (nia maridé/maridada o maridé/maridada) y le numer de mituns a ciaria;

d) residënza, numer de telefon, misciun e-mail (eventualmënter misciun PEC);

e) d'ester zitadin/a talian/a o de avëi la zitadinanza de n stat mëmber dla Uniun Europeica (dé dant de ci stat);

o:
- de ester familiar de n/na zitadin/a dl'Uniun Europeica, che á le dërt de sojornanza o le dërt de sojornanza permanëta (art. 38 D.Lgs di 30.11.2001, nr. 165, modifiché dal art. 7 dla lege di 6 agost 2013 nr. 97) cun indicaziun dla zitadinanza dl familiar;
- de ester zitadin/a de paisc terc, cun la posiziun iuridica de sojornant/a a lungia dorada o le status de proteziun sussidiara;
- ma por n/na zitadin/a de un di stac mēmbri dl'Uniun Europeica o por le familiar de n/na zitadin/a de un n stat mēmbri dl'Uniun Europeica, che á le dërt de sojornanza o le dërt de sojornanza permanëta, o por n/na zitadin/a de stac terc, che é en posses dla lizënza de sojornanza UE por sojornanc/tes a dorada lungia o che á le status de proteziun sussidiara (art. 38, D.Lgs 30 novēber 2001, nr. 165, sciöche modifiché dal art. 7 dla lege 6 agost 2013, nr. 97): che é en posses di dërc zivii y politics ince tl stat de portignënza o de proveniënza o de ne i avēi nia don dant i motifs;
f) de avēi le dërt de līta politich atif y le comun olache le/la candidat/a é scrit/a ite tles listes eletorales o i motifs por ne ester nia scrit/a ite o cancelé/ada dales listes nominades;
g) de avēi albū eventuales condanes penales;
h) de ne ester mai gnū/gnūda destitui/da o de ne ester nia gnū/da lascé/lasciada jī pro degōna aministraziun pubblica;
i) l'eventuala portignënza ales categories de persones cun handicap aladō dla lege nr. 68 di 12.03.1999, don dant la perzentuala de invalidité y specifican l'iscriziun tles listes dl colocamēnt obligatore sciöche preodū dal art. 8 dla lege 12.03.1999 nr. 68;.
j) ma por i candidat de ses maschil: la posiziun ti confrunc dles oblianzas militares, don dant la perioda dl sorvisc da soldá efetif fat, de cherdada ales ermes, de sorvisc zivil o de sorvisc sostitutif dl sorvisc da soldá, y i.i., cun la posiziun revardēta o degré albū por podēi valuté chēsta perioda sciöche perioda de laur a dūc i efec;
k) de avēi le dërt dla resserva di posc por militars aladō dl D.Lgs nr. 66/2010;
l) avēi le titul de stūde damané por la candidatōra al post, cun indicaziun dl istitut pro chēl che al é gnū arjunt, l'ann de emisciun, le numer di agn de scora frequentá y superá, la nota o la valutaziun ciafada;
m) ester en posses dl atestat de competēza di lingac talian, todësc y ladin dl livel D, sciöche preodū dal art. 4 dl D.P.R. di 26.07.1976, nr. 752 o plū avisa "A2" aladō dl chēder de referimēnt europeich en comunanza cun i lingac (CRECL) o n atestat aladō dl decret legislatif di 14 de ma 2010, nr. 86 (injunté la documentaziun revardēta);
n) da ester eventualmēnter a desposiziun da azeté ince, unicamēnter o daldötnenia posc cun raport de laur a tēmp parzial;
o) l'impēgn da azeté zēnza degōna resserva les condiziuns contignüdes tl ordinamēnt dl personal dla Ciasa de Palsa, varēnt al momēnt dla nominaziun y dl dagní;
p) de avēi titui de preferēza eventuai tl caje de parité de mirit aladō dl art. 5 coma 4 y 5 dl D.P.R. nr. 487/1994, sciöche ince dá dant tl formular de domanda de amisciun, injunté a chēsta bandida de concurs;
q) titui de sorvisc eventuai.
Implü mēss la domanda contigní:

la misciun avisa a chëra che la Ciasa de Palsa podará mené les comunicaziuns che reverda le concurs, ti-gnon cunt che dōtes les mudaziun dla misciun che antervëgn cina la fin dla prozedōra de concurs mēss gní lasciades alsavëi.

La Ciasa de Palsa ne sorantól degōna responsabilité por misciuns dades dant falades, nia completes o che ne corespogn nia plü ala situaziun tl momēt che al vëgn mené la comunicaziun.

4.1 DOCUMĚNC DA INJUNTÉ

a) La detlaraziun de portignënza o agregaziun a un di trëi grups linguistics aladō dl art. 18 dl D.P.R. nr. 752 di 26.07.1976 y mudaziun y integraziuns suandētes (**TE NA BUSTA STLŪTA**) che á la data nia plü vedla de 6 mēisc dala data de emisiun.

Al fej ezeziun les porsones che n' á nia la residënza tla Provinzia de Balsan y che detlarëia chësc tla domanda de amisciun. Ares á le dërt da fá la detlaraziun de portignënza o agregaziun a un di trëi grups linguistics y da la dé jō al scomenciamēt dla prōma proa de concurs. Sce na porsona á intenziun da se fá avarëi chësc dërt (y á detlaré ttermēnter chësc tla domanda de amisciun al concurs) ne pó la prōma proa d'ejam nia mēte man dan les 12.00 dl de stabill por chësta.

Chësta detlaraziun vëgn dada fora dal Tribunal Provinzial da Balsan, Plaza Tribunal – azes dala pert Strada Duca D'Aosta (numer de telefon 0471-226312-3).

b) Por podëi tō pert al concurs él da paie le contribut de partezipaziun de Euro 10,00 (diesc), aladō dl art. 1, coma 111 dla Lege nr. 107/2015. Le paiamēt pó ma gní fat cun le sistem pagoPA tres le portal ePays (<https://it.epays.it/>) chirin fora:

- la seziun “pagoPA®-Zahlungen”/o por talian “Pagamenti pagoPA®”,
- l'ënt por todësch “Seniorenwohnheime – ÖBPB” y spo “Seniorenwohnheim Ojöp Frëinademetz ÖBPB” / o por talian “Residenze per Anziani – APSP” y spo “Residenza per Anziani Ojoep Freinademetz”,
- le sorvisc (Dienstleistung/Servizio) „Verschiedene Zahlungen“ /o por talian Pagamenti diversi,
- dé dant la causala “**Wettbewerb Koch 2025**” y scrí fora dōt ci che vëgn damané.

Dedō él la poscibilité da fá le avis pagoPA y fá le paiamēt pro na portina de paiamēt pagoPA (p.ej. banca, posta, tabacaria) o tres home banking o da jí inant sōn le portal y fá le paiamēt online cun druché sōn “In den Warenkorb” o por talian “Aggiungi al carrello”.

Fotocopia dla chërta d'identité sce la domanda vëgn menada por posta, dada jō da na terza porsona e menada por posta certificada PEC).

Presentaziun dla domanda tres PEC

Chi che mēna la domanda ala miscun ciasadepalsa@pec.rolmail.net tres sūa misciun de posta eletronica certificada (PEC) pó dé jō de fat la detlaraziun de portignënza o agregaziun a un di trëi grups linguistics – tla verjiun originala y te na busta stlūta – ince do le termo por la presentaziun dles domandes de amisciun (mo nia do la data dla proa d'ejam scritta o dla prōma proa), a condiziun che tla domanda vëgnel dé dant che la detlaraziun é bele gnūda relasciada anter le termo por la presentaziun dla domanda.

Sce tl caje de devēnta dl concurs resultëia che la detlaraziun de portignënza a n grup linguistich é gnūda relasciada do le termo por la presentaziun o n' é nia varēnta por atres gaujes, n'é le resultat dl concurs nia varēt y al toma le dërt de assunziun por manciaza dles condiziuns de amisciun. Al ne pó nia gní tut en conscideraziun le documēt che é gnū ma mené sciōche copia tres fax o tl format PDF y porchël vëgnel araté che al mancia.

I/Les candidat/tes mēss mēt sūa firma jō da pe dla domanda de amisciun, zënza vëgni/vëgneres stluc/stlüttes fora.

La sotescriziun dla domanda de amisciun al concurs, che contëgn les detlaraziuns sostituētes che vëgn fates tla domanda, é sotmetūda ales disposiziuns preodūdes dai artt. 46 y 47 dl D.P.R. di 28.12.2000 nr. 445, y porchël ne mēss la firma nia gní autenticada. La domanda de amisciun mēss gní firmada en presēnta de n/na dependēt/a inciarié/ada o, injuntan na fotocopia ince nia autenticada de n documēt d'identité varēt dl/a candidat/a.

Le/La candidat/a cun disabilité pó dé dant tla domanda, en relaziun al handicap che al/ara á, che al ti vëgnes conzedü tēmp surafora o le meso de sostëgn che al/ara arata nezesciar por dé jō les proes d'ejam (da desmostré cun documētaziun adeguada), sciōche ince damané de podëi sostituí les proes d'ejam

scrites cun proes d'ejam orales por gauja de disturbs de aprenhimënt spezifcs aladô dl D.P.R. nr. 487/1994.
I/les candidat/tes mëss implü, alplütert cun le termo de presentaziun dla domanda de amisciun, documenté o detlaré de avèi i certificac o la documëntaziun che, sce ai/ares á passé le concurs, i dá le dêrt de prezenza o preferënza tla nominaziun, aladô dl decret dl Presidënt dla Republica di 28.12.2000, nr. 445.
Düc i documënc y titui injuntá voluntariamënter ala domanda pó gní dá jö sciöche copia che corespogn al original, tla forma originala o sciöche copia autenticada sön chërta scëmpla, zënza tigní cunt de ci che é preodü por les detlaraziuns sostituëntes.
Al resta tler che i/les candidat/tes mess avèi düc i recuisic scric dant te chësta bandida y detlará tla domanda de amisciun, bele ala data de tomanza de presentaziun dla domanda de amisciun.
Les detlaraziuns falzes comporta l'esclujiun dal concurs y al gnará apliché les disposiziuns preodüdes dal Codesc penal y dales leges particulares che reverda chësc argomënt.
I documënc che é bele te Ciasa de Palsa Ojöp Frëinademetz A.P.S.P. o che la medema mëss dé fora, mëss ma gní dá dant tl detai tla domanda de amisciun al concurs adöm ales detlaraziuns damanades, sciöche preodü dal art. 10 dla Lege di 04 de jená dl 1968, nr. 15, y en combinaziun cun i coma 2 y 3 dl art. 18 dla Lege di 07 d'agost dl 1990, nr. 241.
5. ESCLUJUN DAL CONCURS PUBLICH
Dal concurs publich vëgnel stlüt fora i/les candidat/tes che:
a) cun la data por la presentaziun dla domanda, preodüda da chësta bandida de concurs, n' á nia un o deplü recuisic dá dant tl punt 3,
b) ne dá nia jö la domanda anter le termo fissé,
c) n' á nia sotecrit indortöra la domanda,
d) ne mët nia apost la domanda anter le termo dé dant dal'aministrazion,
e) ne respetëia nia les disposiziuns sciöche da D.P.R. nr. 752/1976 art. 20 y mudaziuns.
La detlaraziun de portignënza o agregaziun a un di trëi grups linguistics preodüda dal art. 18 dl decret dl Presidënt dla Republica di 26.07.1976, nr. 752 y mudaziun y integraziuns, pó ince gní dada jö do le termo por la presentaziun dla domanda de amisciun al concurs, sce la detlaraziun de portignënza o agregaziun a un di trëi grups linguistics é <u>varënta</u> dan la tomanza dl termo revardënt.
6. PROA D'EJAM Y MODALITÉS DE ESECUZIUN DLES PROES
I/Les candidat/tes ametüs/des al concurs mëss dé jö na proa scritta y na proa orala .
<u>Proa scritta:</u> Mansciuns y competënzes spezifiches en relaziun al post scrit fora, ince tla forma de n chestionar dantadöt sura les tematiches suandëntes:
- mansciuns y competënzes spezifiches en relaziun al post scrit fora, ince tla forma de n chestionar; - organigram y descriziun dles mansciuns; - dërc y dovëis dl dependënt public; - ordinamënc generai dla Ciasa de Palsa Ö. Frëinademetz; - disposiziuns generales sura le raport de laur pro ënc publics; - disposiziuns generales por la elaboraziun di alimënc y HACCP.
<u>Proa orala:</u>
tematiches che reverda le program dla proa scritta.

Les dates dles proes d'ejam ti vëgn comunicades a vigni candidat/a ametü/da al concurs almanco 20 dis denant che ares mët man.
Le resultat negativ de òna dles proes comporta la nia idoneité al concurs y á sciöche consequenza l'esclujun dal concurs.
Ala proa orala vëgn ma ametüs/des i/les candidac/tes che á superé la proa scritta.
I/Les candidac/tes che ne se presentëia nia ales proes le de stabilí, vëgn stlúc/stlütës fora dala prozedöra. Chi/Chères che rōia cun intardiamënt pó ciamó gní lasciá/lasciades ite ti locai olache al vëgn tigní le concurs cina al momënt dan la daurida dla busta cun le tema trat fora.
Tratan la proa scritta pó ma gní adoré dizionars, tesć de lege zënza anotaziuns o analogs sce la comisciun dá esplizitamënter le consëns.
La proa scritta y la proa orala mëss gní fates tl lingaz a chël che i/les aspiranc/tes á detlaré da ester de portignënza o de agregaziun (lingaz talian o todësch). Chësta regola ne vel nia por i/les aspiranc/tes che fej pert dl grup linguistich ladin, por chisc/chëstes resta inant la poscibilité da dé jö les proes d'ejam o tl lingaz talian o todësch (D.Lgs 15 de ma 2023, nr. 65).
L'aministrazion ne é nia obliada da ti dé ai/ales candidac/tes documentaziun por i ejams.
Ales proes mëss i/les candidac/tes se presenté cun n documënt de reconoscimënt varënt.
7. GRADATÖRA Y ASSUNZIUN
La comisciun mët jö, aladô dles valutaziuns singoles totales y tolon en conscideraziun les desposiziuns dades dant dal art.5 dl Test Unich aprové cun D.P.R. 487/1994 tl caje de parité de punc, la gradatöra finala di/dles concorënc/tes che á ciafé na votaziun nia mëndra de chëra minima metüda dant dala comisciun por arjunj l'idoneité tles proes.
Dedô aprovëia le Diretur la gradatöra y nominëia, aladô dl numer di posć scric fora indöt tl concurs, sciöche davagnadus/dësses i/les candidac/tes che resultëia tla medema gradatöra, tolon en conscideraziun les reserves stabilides/metüdes dant da chësta bandida.
La gradatöra á na varënza de dui agn dala data de aprovaziun.
Le/La davagnadú/dëssa mëss presenté anter 30 dis dala comunicaziun dl Diretur n certificat dl dotur de idoneité fisica al laur preodü, zënza toma la nominaziun. Anter le medemo termo mëss le/la davagnadú/dëssa detlaré sot a súa responsabilité de ne avëi degügn d'atri raporc de laur tl setur publich o privat y de ne ester te degöna dles situaziuns de incompatibilité preodüdes dal regolamënt dl personal varënt. Tl caje contrar mëss le/la davagnadú/dëssa dé jö na detlaraziun de dezijiun por l'aministrazion nöia.
7.1 AZERTAMËNT DI RECUISIC
Dan la stipulaziun dl contrat de laur individual por l'assunziun dl/dla davagnadú/dëssa dl concurs verifichëia l'aministrazion la presënza di recusic detlará tla domanda de amisciun al concurs o damaná espressivamënter da desposiziuns de lege, da regolamënc o da contrac coletifs.
Sce le/la davagnadú/dëssa ne dá nia jö un o deplü documënc damaná zënza iustificaziun anter le termin, ti comunichëia l'aministrazion de ne podëi nia stlúj jö le contrat de laur individual. Pro n'assunziun en proa se rōia le raport de laur atira.
Le medemo fejun sce pro le control di recusic scric dant vëgnel constaté l'assënza de un o deplü recusic.
Le Diretur dla Ciasa de Palsa, tól sö en proa i/les davagnadus/dësses ametüs/des te gradatöra aldô di posć scric fora tl concurs do avëi verifiché la presënza di recusic damaná por l'amisciun al sorvisc.
Le Diretur dla Ciasa de Palsa ti mëna al/a interessé/interessada tres lëtra racomanada cun garanzia de recioiüda l'invit da sotescri le contrat de laur individual anter n termo de alplü 30 dis dala data de recioiüda dl invit; le termo pó te vigni caje gní proroghé por le tēmp preodü da contrat por les demisciuns dal post de laur atual y al mascim por 3 mëisc.
Dan le scomenciamënt dl sorvisc mëss le/la candidat/a nominé/ada mostré sö de avëi i recusic damaná dala bandida, tut fora chi recusic che vëgn desmostrá d'ofize dal'aministrazion, zënza toma le dërt de nominaziun.

Le posses di recuisic generai ne pó nia ester dé ma cun la data de tomanza dla bandida de concurs, mo in-ce al momënt dla sotescriziun dl contrat de laur.

7.2 APLICAZIUN DLA GRADATÖRA

La progresciun tla gradatöra en caje de atres assunziuns vëgn fata esclusivamënter aladô dl ordin tla medema gradatöra y tl respet di posc rerservá por grups linguistics, conscidran i militars dles trëi Forzes armades anfat ai/les candidac/tes esterns.

La gradatöra por l'assegnaziun di posc scric fora vëgn ince tuta ca por l'assegnaziun de posc a tēmp parzial sce al n'é de lēdi tl profil profescional revardēnt y tl limit dl contingēt a tēmp plēgn. La gradatöra pó in-ce gní adorada por assunziuns a tēmp determiné y por sostituziuns.

7.3 CONTRAT INDIVIDUAL DE LAUR Y PERIODA DE PROA

Le contrat individual dá dant le termo anter chēl che al é da tó sō efetivamēnter le sorvisc.

Le/La davagnadú/dëssa vëgn nominé/nominada en proa por la perioda de 6 mëisc. Tratan le tēmp de proa pó les perts se trá zoruch dal contrat zēnza oblianza de preavis o indenité. Sce l'aministrazion se tira zoruch mëssera dé dant avisa la motivaziun. La nominaziun á efet de vigni vers dal de de scomenciamēt dl sorvisc da pert dl/a davagnadú/dëssa.

Le/La davagnadú/dëssa che ne sotescri nia le contrat de laur anter le termin dé dant o ne tól nia sō le sorvisc anter le termo preodū zēnza na motivaziun iustificada vëgn detlaré/ada d'ofizie sciöche renunziatar/a y chēsc determinēia la tomanza dl post de laur. Te vigni caje pó gní tut en conscideraziun domandes de prorogaziun dl/a interessé/interessada a gauja de forza plü alta desmostrada o de evēnc straordinars che vëgn ejaminá cun discreziun dal Diretur che dá dant n termo definitiv, sce les esigēnzes de sorvisc le pormēt, y passé chēsc tēmp, mēt jō na detlaraziun de renunzia.

8. TRATAMĚNT DI DAC PERSONAI

Aladô dl regolamēt UE 2016/679 di 27.04.2016 é la Ciasa de Palsa delibrada da damané ai/ales interessá/interessades le consēns por le tratamēt di dac, ince di dac sensibli dl/dla interessé/interessada.

9. NORMES FINALES

Prolungiamēt/prorogaziun o redaurida di termi: Por motifs de interes public se rerservēia l'aministrazion la faculté de prolungé le termo de tomanza de chēsc concurs o ince de le revoché o de daurí danū i termi de tomanza do l'avēi stlüt, dagnora che les operaziuns por so espletamēt ne ais nia ciamó metū man.

Por dōt ci che n'é nia preodū esplizitamēnter te chēsta bandida, vëgnel fat referimēt ales desposiziuns de lege y ai regolamēnc varēnc.

La domanda de amisciun é da ciefé söla plata internet www.ciasadepalsa.it y pó gní stampada fora.

D'atri stlarimēnc y informaziuns pó i/les interessá/interessades damané te secretariat dla Ciasa de Palsa Ojöp Frëinademetz (Str. Pinis 50, 39030 San Martin de Tor, tel. 0474 524700, e-mail: info@ciasadepalsa.it).

San Martin de Tor, ai 02.12.2025

LE DIRETUR
F.mé: Valentin Erlacher

sotescrit digitalmēnter